

痢疾論目錄

卷之一

內經補註

仲景補註

折衷諸家

卷之二

統論五首

論痢原

論諸色

論陽氣

論濕熱

論脾腎

辨證七條

辨似痢非痢

辨色

辨虛實寒熱

辨純熱純實

辨純虛純寒

辨虛實寒熱錯雜

辨虛實寒熱不甚

治法十三則

和血調氣

發散

攻下

表裏兩解

清熱導滯

溫補

升補

初中末

固澇

暫寬法

草藥丸散

痢症重輕不專看穢積多少

誤治變證

卷之三

諸證二十八門

噤口

發熱

發厥

腹痛

腹熱

裏蕙後重

膿血稠黏

晝輕夜重

疫痢

暑痢

陰虛痢

瘡後痢痢後瘡

瘡痢交發

婦人胎前產後痢

吐衄

汗多

小便

舌胎

口渴

大孔腫痛

大孔開

脫肛

呃逆

久痢不止

休息痢

痢後各症

壞證

脉法

卷之四

諸家治案

二十四條

痢疾諸方

共一百零六方

人參敗毒散

一

倉廩湯

二

加減柴胡湯

三

加味桂枝湯

四

五積散

五

香蘇散

六

葱豉益元散

七

四逆散

八

黃芩芍藥湯

九

芍藥湯

十

聶氏痢疾方

十一

附改定聶氏痢疾方

十二

香蓮丸

十二

成己丸

十三

白頭翁湯

十四

黃連解毒湯

十五

大黃黃連瀉心湯

十六

甘草瀉心湯

十七

大柴胡去半夏湯

十八

大黃丸

十九

百順丸

二十

已豆丸

二十一

大承氣湯

二十二

防風通聖散

二十三

枳實厚朴湯

二十四

何首烏湯 二十五

枳實導滯丸 二十六

大健脾丸 二十七

四君子湯 二十八

異功散 二十九

六君子湯 三十

香砂六君子湯 三十一

六神散 三十二

參苓白朮散 三十三

七味白朮散 三十四

保元湯 三十五

生脉保元湯 三十六

補中益氣湯 三十七

調中益氣湯 三十八

升陽除濕防風湯 三十九

三奇散 四十

八珍湯 四十一

十全大補湯 四十二

人參養營湯 四十三

歸脾湯 四十四

七珍散 四十五

人參胃氣湯 四十六

六柱飲 四十七

小建中湯 四十八

黃耆建中湯 四十九

八味建中湯 五十

乾薑甘草湯 五十一

理中湯 五十二

附子理中湯 五十三

枳實理中丸 五十四

治中湯 五十五

蓮理湯 五十六

椒梅理中湯 五十七

吳茱萸湯 五十八

烏梅丸 五十九

乾薑黃芩黃連人參湯 六十

茜根丸 六十一

黃連犀角散 六十二

橘皮乾薑湯 六十三

橘皮竹茹湯 六十四

丁香柿蒂散 六十五

八味地黃湯 六十六

香砂八味湯 六十七

生脉八味湯 六十八

六味地黃湯 六十九

生脉六味湯 七十

駐車丸 七十一

千金黃連湯 七十二

阿膠駐車丸 七十三

歸連丸 七十四

黃連阿膠湯 七十五

海藏黃連阿膠湯 七十六

阿膠梅蓮丸 七十七

五苓散 七十八

理苓湯 七十九

春澤湯 八十

益元散 八十一

硃砂益元散 八十二

良方厚朴丸 八十三

五物香薷飲 八十四

六和湯 八十五

導水茯苓湯 八十六

金匱腎氣湯 腎氣丸 八十七

千金溫脾湯 八十八

千金羊脂煎 八十九

白頭翁加阿膠湯 九十

千金三物膠艾湯 九十一

伏龍肝湯 九十二

桃花湯 九十三

大桃花湯 九十四

桃花丸 九十五

訶子皮散 九十六

訶黎勒散 九十七

木香散 九十八

二石理中湯 九十九

真人養臟湯 一百

四神丸 百零一

獨活寄生湯 百零二

大防風湯 百零三

虎骨四筋丸 百零四

潛行散 百零五

參附湯 百零六

痢疾要方

痢疾諸藥

折衷諸家目錄

劉河澗

朱丹溪

戴原禮

衛生寶鑑

徐東臯

王海藏

趙養葵

王肯堂

張景岳

李士材

喻嘉言

張石頑

證因脉治

聶可久

繆仲醇

楊子建

痢疾論卷之四

後學楊夫任古儀泰院

黎永孔毓禮以立著輯

同邑陳元節卷全校

末邑陳頤柳田重刊

諸家治案

東垣治一老僕脫肛日久近復下痢裏急後重白多赤少此非因食膏粱者也必多
蔬食或飲食不節天氣已寒衣蓋猶薄寒侵形體不禁而腸頭脫下者寒也滑也真
氣不禁形質不收乃血脫也此乃寒滑氣泄不固故形質下脫也當以瀉去其脫而
除其滑以大熱之劑除寒補陽以補氣之約升陽益氣以微酸之味固氣上收名曰
訶子皮散一服減半再服全愈

丹溪治一人患痢百餘日百法不效六脈促急沉弦細弱托左手為其晝夜十行視

之穢物甚少雖下清涕中有紫黑血絲食全不進此非痢也食減有矣若食全不進豈可痢百日耶且如此

症即名之曰瘰血痢疾可也何必曰非痢宜作瘀血治之以桃仁乳香沒藥滑石佐以檳榔木香神麴糊

為丸米飲下百餘粒至夜半不動又依前法下二百粒至天明下穢物如爛魚腦者

二升半先生量之否因頓終日漸與粥食而安王肯堂曰當用大黃無則難下

又治鄰人鮑子。年二十餘。因患血痢。用瀉藥取效。後患痛風。號叫撼鄰里。丹溪曰。此惡血入經絡。症血受濕熱。久為凝濁。所下未盡。留滯墜道。所以作痛。經久不治。恐成枯細。遂與四物湯。桃仁。紅花。牛膝。黃芩。陳皮。甘草。煎。生姜汁。研。潛行散入。少酒飲之。數十貼。又與刺委中。出黑血而安。

又治族叔年七十。稟壯形瘦。夏月患瀉痢。至秋百方不應。視之病雖久而神不瘳。小便澹少而不赤。兩手脈俱澀而頗弦。自言胸微悶。食亦減。因悟。此必多年沉積。癖在腸胃。問其生平喜食何物。曰喜食鯉魚。三年無日不用。此積在肺。肺為大腸之臟。宜大腸之不固也。當與澄其源而流自清。以吳萸。陳皮。青蔥。蘆薈。蒼根。生薑。煎濃湯。和以沙糖。飲一碗許。自以指探喉中。至半時。吐痰半升如膠。其夜減半。次早又服。又吐半升。而痢自止。又與平胃散。加白朮。黃連。旬日而安。收瀉用木香散。訶黎勒丸。

繆仲淳治少年貴介。暑月出外。飲食失宜。兼以暑熱。遂患滯下。途次無藥。病偶自止。歸家腹痛不已。遍嘗諸藥。入口痛甚。亦不思食。仲淳曰。此濕熱耳。其父曰。醫亦以濕熱治之。而轉劇。仲淳曰。投何藥。曰蒼朮。黃連。厚朴。枳殼。陳皮。仲淳曰。誤也。朮性溫而燥。善秘氣。故滯下忌之。即君陰虛人也。尤非所宜。更以滑石一兩為細末。以丹皮汁煮之。別以白芍五錢。炙草一錢。炒黑乾薑五分。水煎。調滑石末服。須臾小便如注。痛立止。又治秦公蓄病痢。誤投瀉劑。一服痢止。濕熱無自而出。遍攻肢體骨節間。以致項強。

目亦有臂腕膝足脛俱發腫痛甚不能轉側仲淳疏方寄之用白芍石劬牛膝木瓜黃柏苡仁甘草車前子茯苓痛雖止尚不能轉側更用蒺藜菊花何首烏胡麻黃柏炙甘草服逾年愈其始病時稍投參朮而痛劇欲死此係本來陰虛有火又加濕熱暑濕交攻故見此症名痢風陰虛火多故不受補又不宜燥惟微寒清平之劑調飲按前症人多誤用風藥不知風藥皆燥非陰虛有火人所能受但仲淳之方軟緩無力故奏效必待逾年設當日若用丹溪虎潛丸似乎見功更速

李士材治兵尊張綱庵秋間患利凡香連枳朴等劑用之兩月而病不衰診脈滑而有力失下之故也用香連歸芍陳皮枳殼加大黃三錢下穢物頗多脈尚有力仍用前方出積滯如魚腦約數碗調理十餘日而瘥

又治撫臺毛如初痢如魚腦腸鳴切痛聞食則嘔所服皆參連木香藿香橘紅芍藥葛蒲而已後有進四君子湯者疑而未果飛艇相招兼夜而往診得脈雖洪大按之無力候至右尺倍覺濡軟士材曰命火不能生土亟需參附可以迴陽如翁曰但用參朮可得愈否士材曰若無桂附雖進參朮無益于病脾土大虛虛則補母非補火乎遂用人參五錢附子一錢五分炮薑一錢白朮三錢連進三劑嘔止食粥再以補中益氣湯加薑附十四劑後即能視事

喻嘉言治胡太夫人偶然腹痛不寧瀉下數行醫以痢疾治之其利轉多

未頭痢疾醫豈治病

此必先瀉後痢有裏急後重及赤白之色也更引通因通用之法用熟大黃九三錢下之遂擾動胃氣全

不思食有似噤口痢狀喻診之六脈皆沉而伏應指模糊曰此非痢疾乃誤治之症

也今但安其胃不必治痢而痢自止此症未知病在何時病在春夏秋定屬虛痢冷痢而誤治之嘉言概以

應補溫者為非病故凡診時虛寒脈症便曰此非痢病也於是四君子湯為主治少加薑桂煖胃之藥二劑痢

果不作但苦胃中脹痛必欲加入行氣之藥以冀脹消痛止而速得進食喻爭曰寧

可緩于食不可急于藥蓋以前因藥誤引動胃氣作楚如治亂民惟有安之之法若

再加行氣脹痛必無紀極堅持前說即用陳皮和中亦須炒而又炒絕不惹動其氣

凡五日未得大便亦不惹動其便聽其緩緩痛止脹消食進便利共七日全安渾不

見藥之功其實無功之功也

又治張仲儀初得痢疾三五行即請診行動如常然得內傷之脈而夾少陰之邪何如

是得內傷之脈如何是夾少陰之邪何不問白示以診畢即云此症仍宜一表一裏

但表藥中多用人參裏藥中多用附子方可無患若用痢門諸藥必危之表裏兩藥亦宜

顯以示人方是醫藝仲儀以平日深信徑取前藥不疑然病勢尚未著也及日西忽發大熱身

重如巨石頭在枕上兩人始能夾動人事況困舉家惶亂忙忙服完表裏兩劑次早

診時即時起身出房再以參附藥二劑全安若不辨症用藥痢疾門中幾曾有此等

治法乎況于疾未著而早見之乎

又治周信川年七十三平素體堅不覺其老秋月患痢久而不愈至冬月成休息痢一晝夜十餘行面目浮腫肌膚晦黑診其脈沉數有力曰此陽邪陷入陰之症也

有力裏熱也當下之何以知當發表想必前醫數行攻下而知之者也

吾以法治之尚可痊愈明日吾自袖藥來于是

以人參敗毒散本方煎好用厚被圍椅上坐定置火其下更以布條捲成鴉蛋狀置椅褥上殿定肛門使內氣不得下走然後以前藥滾熱與服良久又進前藥遂覺皮間有津津微潤再溉以滾湯教令努力忍便不得移身如此藥二時之久皮間津津總未乾病者心燥熱忍不可忍始令連被卧于床上是晚止下痢二次已後改用補中益氣湯一晝夜止下三次不旬日而痊愈蓋內陷之邪欲提之轉從表出不以逆流挽舟之法施之其趨下之勢何所底哉故凡遇陽邪陷入陰分如久瘧久痢久熱等症皆當識此意使其緩緩久久透出表外方為合法若急而速則恐纔出又入徒傷其正耳

又治朱孔陽年三十五歲形體清瘦素享安佚夏月因構訟奔走日中暑濕合內鬱

之火而成痢疾

其原已知是暑濕

晝夜一二百次不能起床以粗紙鋪於褥上頻頻易置但

飲水而不進食其病甚厲肛門如火烙揚手擲足躁擾無奈

分明診脈弦緊勁急不

為指撓

分明

曰此症一團毒火蘊結腸胃之內其勢如焚救焚湏在頃刻若二三日

外腸胃朽腐矣于是以大黃四兩黃連甘草各二兩入大沙鍋內煎隨滾隨服服下

人事稍寧。少頃仍如前躁擾。

無定見者。不知藥力。一晝夜服至二十餘碗。大黃俱煎。

化黃連甘草俱煎至無汁。

如此煎劑。亦是有意炫人耳目。

次日病者再求前藥。診畢見脈勢稍柔。知

病可愈。但用急法。不用急藥。

退步時手之法。

遂改用生地黃麥門冬各四兩。另研生汁以天

花粉牡丹皮赤芍藥甘草各一兩煎成和汁大碗咽之。以其來勢暴烈。一身津液從

之奔竭。待痢止然後生津液養血。則枯槁一時難回。今脈既減。則火邪俱退。不治

痢而痢自止。豈可泥潤滯之藥而不急用乎。服此藥果然下痢盡止。但遺些小氣沫

耳。第三日思食豆腐漿。第四日略進陳倉米清汁。緩緩調至旬餘。方能消穀。亦見胃

氣之存留一線者。不可少此焦頭爛額之客耳。

又治陳汝明病痢。發熱如蒸。昏沉不食。重不可言。至第三日。危急將絕。方請治之。診

得脈數大。空虛尺脈倍加洪盛。喻曰。此兩病而湊于一時之症也。內有濕熱。與時令

外熱相合。欲成痢症。尚不自覺。又犯房勞。而為驟寒所乘。以故發熱身重。不食昏沉

皆屬少陰腎經外感少陰受邪。原要下利清白。此因腸中濕熱已蒸成猪肝魚腦敗

穢之形。故色雖變而下痢則同也。再用痢疾門藥一劑。即刻不救矣。遂忙以麻黃附

子細辛湯一劑與之。表散外邪。得汗後熱即微減。再以附子理中湯連服二劑。熱退

身輕能食。改用連理湯九旬日全安。

按脈之大數空虛。知非實症。至犯房勞。病者必然明告。未必一診可得也。但兩尺

洪盛又與陰虛相似然觀所下之物有如猪肝魚腦定是內寒外熱斷不敢投純陰也倘予遇此症只解用附子理中湯八味地黃湯至于果兼外感予只解用五積散加減以溫散之斷不投麻黃附子細辛湯之猛烈然是湯發表溫中縱非少陰感寒又何至于敗事乎但此老論痢解散惟取辛涼此又何以反取辛熱故予于前卷中不得不議其立言之未備耳

又治葉茂卿幼男病痢噤口發熱十餘日嘔吐連穀不斷關脈上湧而無根診足脈亦上湧無根謂其父曰此非噤口痢之症乃胃氣將絕之症也

口痢者既已下痢嘔吐不食便名噤口痢有何是噤口與非噤口之分若必認噤口痢虛熱在胃者方是噤口痢專補者非噤口痢未免囿于丹溪人參黃連一法

者虛熱在胃壅遏不宣故覺其飽不思食治宜補虛清熱兩法此因苦寒之藥所傷

不能容食治惟有專補一法而已于是以理中湯連投二劑不一時痢下十餘行遍

地俱汚茂卿恐藥不對症求更方

一眼視定所下之多少以驗約之對與不對大是誤事

喻曰吾先救胃氣之

絕原不治痢

即救胃氣便是治病痢多便

即治病人之大小腸盤壅腹中甚遠雖神

丹不能遽變其真今藉約力催之速下正為美事焉可疑之遂與前藥連服二日人

事大轉思食不噤痢勢亦減四日後止便糟粕以補中益氣湯調理旬日而安

按噤口發熱嘔吐連穀有似乎火雖因關脈上湧無根知胃氣之將絕然大吐之脈上湧者多脈既上湧重按必然不實豈便敢用理中而無疑先生自言此因苦

寒之藥所傷可見前醫用了幾許攻瀉等藥。病因加重既有成竹。又以脈證之而溫補無疑耳。予閱前醫治病案。知其得病情處。原平寔不足異。乃故為隱秘。予嘗小心揣出。見前賢非不可學。若徒然贊嘆稱奇。有何益哉。

又治葉君藝痢疾。初起有表邪未散。誤服參朮固表。使邪氣深入。又誤用黃連涼解。大黃推蕩。治經月餘。胃氣不運。下痢一晝夜百餘行。一夕吐出從前黃連藥汁三五碗。嘔至二三次後。腸與胃遂打為一家。內中幽門。關門。洞開。無阻。不但粥飲直出。即人參濃膏。繼吞入喉。已汨汨從腸奔下。危急之中。諸昆玉問曰。此症可無恐乎。喻曰。吾豈不知疾勢之危。但姑以靜鎮之。而彈力以報知己耳。于是以大劑四君子湯煎調。禹餘糧赤石脂二末。連連與服。服後其下痢之勢少衰。但腹中痛不可忍。君藝曰。前此下痢雖多。然尚不痛。服此藥而痛增。未可再服矣。喻曰。此正所謂通則不痛。痛則不通之說也。不痛則危。痛則安。何樂而不痛耶。仍以前藥再進。俟勢已大減。纔用四君子侶茯苓。十餘劑全安。

趙養葵治一孕婦。瘧痢交發。醫治兩月餘。瘧止而痢愈甚。又加腹痛。飲食少進。趙曰。虛寒也。以補中益氣加姜桂一服而痢止大半。再一服而反加。瘧病大作。主驚恐。趙曰。此吉兆也。向者瘧之止。乃陰盛之極。陽不敢與之爭。今服補陽之劑。陽氣有權。敢與陰戰。再能助陽之力。陰自退聽。方中加附子五分。瘧痢皆愈。大服補劑。越三月。產

一子產後甚健

吳茱山治一婦。長夏患痢。痛迫下黃。黑曾服香茹枳殼黃連愈劇。其脈兩尺緊滑。此寒傷血也。問其由。乃經時渴。飲冷水一碗。遂得此症。與桃仁承氣加玄胡一服。次早下黑血升許。痛止。次用調脾活血之劑而痊。此經凝作痢。不可不知。

按知為蓄血有之矣。未必知寒所傷。此必問得經時飲冷。與兩尺之脈緊滑合。參故知之也。然既知是寒邪。何以反用桃仁承氣寒下乎。想是寒鬱成熟之故也。然此症乃似痢非痢。不是真正痢疾也。

張石頑治春榜項鳴先尊堂。下痢血色如莧汁。服消尅苦寒苓連大黃之類愈甚。不時發熱痞悶。六脈瞥瞥虛大。右關獨顯弦象。按之則花。此氣虛不能繞血之候。與補中益氣加肉桂乾姜四劑而安。

又治郭然明之室。患五色痢。晝夜數十次兼帶下如崩。即此兼症。便知其虛。誤服大黃黃連之

屬十餘劑。遂隔塞不通。噤口不食者半月餘。至夜大熱渴躁。帶下如崩。及夜熱燥渴。明知陰虛。然不食已久。

胃氣告匱。陰藥又不可投。惟有八味地黃一湯為對症之藥。此足三陰俱虛之候。與理中加桂苓木香烏梅以調

其胃。此一着。少不得。次與加減八味作湯。以導其陰火而痊。

又治刑部郎中申最菴。高年久痢。血如莧汁。望色便服。知虛寒。苓連芍藥之類二十餘劑。漸

加呃逆。六脈弦細如絲。遂疏理中加丁香肉桂諸藥。咸謂血痢無用姜桂。人參之理。

遲疑不眠仍噉芩連芍藥。遲延五日。病愈甚。而驟然索食。舉家及諸醫皆以能食為慶。復邀石頑相商。而脈至如循刀刃。此中氣告竭。求救于食。除中證也。世人但知下痢能食為向愈。曷知其有除中之例乎。

又治緒 水尊堂秋深久痢。噤口不食者半月餘。但飲開水及瓜穰汁。噉後必嘔脹。

腸鳴絞痛不已。飲瓜汁開水若係是熱則能消矣。今飲後嘔脹腸鳴可知非是熱也。煩渴悶亂至夜轉劇。陰下多亡故所下

皆膿血。晝夜百餘次。小水消澀不通。氣不化也。諸醫束手。石頑切其六脈皆弦細乏力。屬脈

虛驗其積沫皆瘀痰晦色。色又詢其服藥皆芩連樸朴之類。因謂之曰。所見之症俱屬虛。

逆幸久痢脈弱尚宜溫補。姑勒一方。用理中加桂苓紫苑調之。紫苑用得奇妙。服後小便即

通得稍寐。三四日間糜粥漸進。病亦漸減。更以理中倍參。伏龍肝泛丸而愈。

又治米元臣子。患五色痢二十餘日。胸膈脹滿。粥飲不能進。服藥無效。請二醫診視。

一用大黃。一用人參。元臣不能自主。就正石頑。石頑曰。用大黃者因其脹滿脈大也。

用人參者因其痢久不食也。痢久不食。大黃斷斷難用。不食者禁下。胸滿作脹。人參亦難

遽投。擬伏龍肝為君。專溫土臟。用濃煎代水煎焦。朮茯苓甘草霍木二香炒烏梅。一

劑減痢進食。再劑而止。遂不藥調理而起。

又治同川春榜陳穎。雍觸熱錦歸。抵家即患河魚腹疾。半月以來攻剋不效。遂噤口

粒米不入。且都門久食煤火。肩背發出。不赤不疼。陷伏不起。發呃神昏。石頑診之。六

脈弦結欲絕面色戴陽所下之物晦瘀如爛魚腸腦症雖危殆幸脈無壯氣氣不喘促體無燥擾可進溫補但得補而癰腫炊發便可無慮遂可用保元每服人參三錢生黃芪二錢甘草一錢肉桂一錢伏龍肝湯代水煎服一劑而稀糜稍進再劑而後重少輕三劑而癰毒黃起另延瘍醫救治其外確守前方十餘服而安未嘗更一味也一大兵船上婦胎前下痢產後三日不止惡露不行發熱喘脹法在不救有同道誤許可治與藥一服次早發熱反加呃逆計無所施乃同兵丁托言賃船拉石頑往診三至一代直以難治辭之彼則留住前醫不使上涯方知其意原欲巧卸恐予不往故不明言其故當此急迫之際不與解圍必致大傷體面因謂之曰此症雖危必從容計議庶可圖治彼聞是言始放原醫而求藥于予遂與錢數文盡一枚令買砂糖熬枯白湯調服既可治痢又能下瘀且不傷犯元氣急與服之彼欣然而去其醫得脫閉門揭家而遁直至數日大兵去後寧家過我而謝

痢疾諸方

人參敗毒散一治痢疾外挾表邪憎寒發熱身體疼痛先散表邪後和裏邪

人參茯苓枳殼甘草川芎羌活獨活前胡柴胡桔梗各等分薄荷少許生薑三片煎服不虛者去人參再加荊芥防風名荆防敗毒散此痢疾發表之第一方也

倉廩湯二治疫痢發熱前方加陳米一撮

加減小柴胡湯 三治症同前。其有外邪稍輕而有熱者。不必敗毒散。降用本方。此名涼散法。

柴胡 二錢 半夏 一錢 人參 甘草 各五七分 加羌活 七分 防風 一錢 不虛者去人參

薑棗煎服。渴者去半夏少佐天花粉。腹痛者加白芍藥。

加味桂枝湯 四 痢挾表邪而內無熱者。此湯主之。為溫散法。

桂枝 二錢 白芍藥 一錢 二分炙甘草 五七分 羌活 五七分 防風 一錢 薑棗煎服。已上三方俱宜少加厚朴。以防濁氣上壅。

五積散 五 治臟氣素寒之人。外感寒濕。內傷飲食。頭疼身痛。項背拘急。惡寒嘔吐腹痛。此內溫外散之劑。兼麻黃桂枝平胃二陳理中枳桔之劑。宜增損用之。

當歸 麻黃 蒼朮 陳皮 各一錢 厚朴 乾姜 芍藥 枳殼 各八分 半夏 白芷 桔梗 茯苓 炙草 肉桂 川芎 各五分 虛加人參 姜三片 葱白三莖 煎服。

香蘇散 六 專治外感風寒。內傷飲食。宜隨症加減。

香附 生 紫蘇 各二錢 陳皮 去白一錢 甘草 七分 加蔥姜煎。邪重再加發散藥。如羌防柴葛之屬。積重再加消積藥。如麴蘖山查之屬。或痰藥。或氣藥。無不可對症增入。此中道

而立之方。極宜於時用者也。

蔥鼓益元散 七 夏月暑病兼挾外邪。欲發散清利者。此方兼擅其長。大有神功。